



UNDANG-UNDANG MALAYSIA

VERSI ATAS TALIAN TEKS
CETAKAN SEMULA YANG KEMAS KINI

Akta 461

AKTA KEHADIRAN WAJIB PESALAH-PESALAH 1954

Sebagaimana pada 1 April 2013

Teks ini HANYALAH TERJEMAHAN oleh Jabatan Peguam Negara, Kuala Lumpur, bagi *Offenders Compulsory Attendance Act 1954* sebagaimana disemak dalam tahun 1991. Melainkan dan sehingga ditetapkan sebagai sah di bawah subseksyen 7 (1) Akta Bahasa Kebangsaan 1963/67 (Akta 32), ia bukannya perundangan.

**AKTA KEHADIRAN WAJIB
PESALAH-PESALAH 1954**

| | | | | |
|------------------------|-----|-----|-----|--|
| Pertama kali diperbuat | ... | ... | ... | 1954 (Ordinan No. 37 1954) |
| Disemak | ... | ... | ... | 1991 (Akta 461 m.b.p 23 Julai 1991) |

UNDANG-UNDANG MALAYSIA**Akta 461****AKTA KEHADIRAN WAJIB
PESALAH-PESALAH 1954**

SUSUNAN SEKSYEN

Seksyen

1. Tajuk ringkas
2. Tafsiran
3. Pusat Kehadiran Wajib
4. Pelantikan pegawai untuk menjaga Pusat
5. Perintah Kehadiran Wajib
6. Obligasi pesalah
7. Kecederaan kepada pesalah semasa menjalankan kerja wajib
8. Kesalahan
9. Kaedah-Kaedah

UNDANG-UNDANG MALAYSIA

Akta 461

AKTA KEHADIRAN WAJIB PESALAH-PESALAH 1954

Suatu Akta untuk mengadakan peruntukan bagi pelaksanaan, dalam keadaan tertentu, kerja wajib oleh pesalah yang telah disabitkan dengan kesalahan tertentu dan boleh dikenakan hukuman pemenjaraan atau oleh seseorang yang boleh dihukum dengan cara ditahan dalam penjara kerana kegagalan membayar denda atau hutang, sebagai ganti dihukum atau dihukum dengan cara ditahan sedemikian; dan bagi maksud yang berkaitan dengannya.

[1 Januari 1984, L.N. 401/1956;

* *Wilayah Persekutuan Labuan—16 September 2012, P.U.(A)291/2012;*

** *Sabah—16 September 2012, P.U.(A)292/2012;*

*** *Sarawak—16 September 2012, P.U.(A)293/2012]*

Tajuk ringkas

1. Akta ini bolehlah dinamakan Akta Kehadiran Wajib Pesalah-Pesalah 1954.

Tafsiran

2. Dalam Akta ini, melainkan jika konteksnya menghendaki makna yang lain—

* *CATATAN*—Dalam pemakaiannya bagi Wilayah Persekutuan Labuan—*lihat* Perintah Wilayah Persekutuan Labuan (Pemerluasan dan Ubahsuaian Akta Kehadiran Wajib Pesalah-Pesalah 1954) 2012 [*P.U.(A)291/2012*].

** *CATATAN*—Dalam pemakaiannya bagi Negeri Sabah—*lihat* Perintah Negeri Sabah (Pemerluasan dan Ubahsuaian Akta Kehadiran Wajib Pesalah-Pesalah 1954) 2012 [*P.U.(A)292/2012*].

*** *CATATAN*—Dalam pemakaiannya bagi Negeri Sarawak—*lihat* Perintah Negeri Sarawak (Pemerluasan dan Ubahsuaian Akta Kehadiran Wajib Pesalah-Pesalah 1954) 2012 [*P.U.(A)293/2012*].

“jarak yang ditetapkan” ertinya, berhubungan dengan mana-mana Pusat tertentu, jarak yang Menteri boleh dari semasa ke semasa melalui pemberitahuan di dalam *Warta* menetapkan berhubungan dengan Pusat tersebut;

“kerja wajib” ertinya apa-apa kerja buruh, tugas, kerja atau kursus pengajaran yang diperintah oleh Pegawai Pusat Kehadiran Wajib untuk diaku janji oleh pesalah tersebut;

“Ketua Pengarah” ertinya Ketua Pengarah Penjara, Malaysia, dan termasuk Timbalan Ketua Pengarah Penjara;

“Pegawai Pusat Kehadiran Wajib” ertinya mana-mana pegawai yang dilantik di bawah seksyen 4;

“Perintah Kehadiran Wajib” ertinya suatu perintah Mahkamah yang dibuat di bawah seksyen 5;

“pesalah” ertinya seseorang yang mana berkenaan dengannya suatu Perintah Kehadiran Wajib pada masa itu sedang berkuat kuasa;

“Pusat” ertinya sesuatu Pusat Kehadiran Wajib yang ditubuhkan di bawah seksyen 3.

Pusat Kehadiran Wajib

3. Maka hendaklah ditubuhkan di dalam dan bagi Negeri-Negeri di Semenanjung Malaysia, di bawah arahan dan kawalan Ketua Pengarah, di tempat sebagaimana yang Menteri boleh dari semasa ke semasa mengarahkan, Pusat Kehadiran Wajib untuk pelaksanaan di dalamnya kerja wajib oleh pesalah menurut Perintah-Perintah Kehadiran Wajib.

Pelantikan pegawai untuk menjaga Pusat

4. Ketua Pengarah hendaklah melantik seorang Penguasa Penjara atau seorang Pegawai Penjaga penjara sama ada mengikut nama atau jawatan untuk menjaga setiap Pusat dan Penguasa atau Pegawai tersebut hendaklah digelar sebagai Pegawai Pusat Kehadiran Wajib.

Perintah Kehadiran Wajib

5. (1) Jika seseorang, yang tinggal tidak lebih daripada jarak yang ditetapkan dari sesuatu Pusat—

- (a) telah disabitkan dengan sesuatu kesalahan yang baginya dia boleh dikenakan hukuman pemenjaraan; atau
- (b) boleh dihukum dengan cara ditahan dalam penjara kerana kegagalan membayar denda atau hutang, dan

Mahkamah berpendapat bahawa—

- (i) jika Akta ini tidak diluluskan, orang tersebut akan dihukum dengan secukupnya oleh suatu hukuman pemenjaraan selama tempoh tidak melebihi tiga bulan; dan
- (ii) dengan memberi pertimbangan kepada watak seseorang itu, jenis dan beratnya kesalahan atau hal keadaan dalam mana seseorang itu gagal membayar (mengikut mana yang berkenaan) dan semua hal keadaan lain kes tersebut, adalah tidak suai manfaat untuk menghukumnya ditahan,

Mahkamah boleh, sebagai ganti hukuman atau hukuman dengan cara menahan, membuat suatu Perintah Kehadiran Wajib menghendaki seseorang itu hadir setiap hari di Pusat yang dinyatakan di dalam Perintah tersebut dan mengaku janji untuk menjalankan kerja wajib selama tempoh tidak melebihi tiga bulan dan selama bilangan jam tertentu setiap hari tidak melebihi empat sebagaimana yang boleh dinyatakan di dalam Perintah, dan boleh, untuk selanjutnya menjamin pematuhan yang sewajarnya dengan Perintah tersebut, menghendaki pesalah memasuki bon dengan atau tanpa penjamin.

(2) Jika Mahkamah mempunyai sebab untuk meragui sama ada mana-mana orang sedemikian berkeupayaan secara fizikal untuk melakukan kerja wajib maka Mahkamah—

- (a) boleh menyebabkan dia menjalani pemeriksaan perubatan;
- (b) tidak boleh membuat suatu Perintah Kehadiran Wajib melainkan ditunjukkan kepada kepuasan hati Mahkamah bahawa dia memang berkeupayaan; dan
- (c) hendaklah menyatakan di dalam Perintah Kehadiran Wajib, jika suatu perintah dibuat, apa-apa kerja wajib yang Mahkamah berpuas hati dia tidak berkeupayaan secara fizikal.

(3) Bilangan jam setiap hari pada masa yang pesalah dikehendaki menjalankan kerja di bawah subseksyen (2) tidak boleh melebihi empat tidak termasuk apa-apa lat tempoh yang ditetapkan untuk masa makan, minum atau rehat dan hendaklah, jika pesalah itu terlibat dalam pekerjaan yang berkeuntungan, memenuhi hanya bahagian masa pesalah yang mewakili masa lapangnya.

(4) Mahkamah hendaklah, sebelum membuat Perintah Kehadiran Wajib, menjelaskan kepada orang yang berkenaan dalam bahasa biasa kesan Perintah tersebut dan akibat kegagalan mematuhi dan tidaklah boleh membuat perintah tersebut melainkan seseorang itu menyatakan kesanggupannya untuk mematuhi kehendaknya.

Obligasi pesalah

6. (1) Tertakluk kepada peruntukan mana-mana Kaedah yang dibuat di bawah Akta ini dan kepada terma Perintah Kehadiran Wajib, seseorang pesalah hendaklah, semasa berjalannya kuat kuasa Perintah tersebut melapor setiap hari pada masa dan tempat sebagaimana yang Pegawai Pusat Kehadiran Wajib, dengan memberi pertimbangan kepada hal keadaan pesalah, boleh menyatakan.

(2) Seorang pesalah hendaklah pada setiap hari mengaku janji kerja wajib sebagaimana yang boleh diperintahkan oleh Pegawai Pusat Kehadiran Wajib, yang kerja itu hendaklah boleh, pada pendapat Pegawai itu, disempurnakan oleh pesalah tersebut dengan memberi pertimbangan kepada keupayaan fizikalnya mengikut bilangan jam yang dinyatakan di dalam Perintah Kehadiran Wajib.

(3) Jika pesalah itu terlibat dalam pekerjaan yang berkeuntungan, masa yang dia diperintahkan untuk melapor pada setiap hari di bawah peruntukan subseksyen (1) hendaklah tidak mengganggu pekerjaan tersebut.

Kecederaan kepada pesalah semasa menjalankan kerja wajib

7. Jika seorang pesalah cedera kerana kemalangan yang timbul dalam perjalanan kerja wajibnya, semasa dia bekerja menurut suatu Perintah Kehadiran Wajib, dia berhak menerima perubatan dan perawatan hospital secara percuma sebagaimana yang boleh ditetapkan.

Kesalahan

8. (1) Jika seorang pesalah tanpa sebab yang munasabah—

- (a) gagal pada mana-mana hari untuk melapor mengikut subseksyen 6 (1); atau
- (b) gagal pada mana-mana hari untuk mengaku janji atau untuk menyempurnakan kerja wajib yang diperintahkan di bawah subseksyen 6 (2); atau
- (c) dengan apa-apa cara membuat salah laku semasa sedang atau semasa sepatutnya mengaku janji kerja wajib; atau
- (d) tanpa kebenaran diberi oleh Pegawai Pusat Kehadiran Wajib dalam keadaan tertentu dan tertakluk kepada syarat-syarat yang boleh ditetapkan, tidak menghadirkan diri di mana-mana tempat di mana dia sepatutnya mengaku janji kerja wajib itu; atau
- (e) gagal dalam apa-apa cara lain untuk mematuhi mana-mana kehendak Perintah Kehadiran Wajib atau peruntukan mana-mana Kaedah-Kaedah yang dibuat di bawah Akta ini,

Pegawai Pusat Kehadiran Wajib, selepas siasatan yang sewajarnya, boleh—

- (i) memerintahkan bahawa pesalah dilucut hak apa-apa remitan dari tempoh Perintah yang telah beliau peroleh, tidak melebihi jumlah sebagaimana yang boleh ditetapkan;
- (ii) melaporkan hal keadaan kepada Ketua Pengarah yang boleh memerintahkan bahawa apa-apa remitan lanjut dilucut hak atau bahawa satu laporan bertulis dibuat kepada Mahkamah, pada masa yang sama memberi satu salinan kepada pesalah.

(2) Apabila menerima laporan tersebut Mahkamah hendaklah menyebabkan pesalah tersebut dibawa ke hadapannya, dan jika berpuas hati atas kebenaran dakwaan, boleh menjatuhkan apa-apa hukuman atau membuat apa-apa Perintah (termasuk Perintah Kehadiran Wajib) yang Mahkamah boleh menjatuhkan atau membuat jika pesalah pada masa itu telah disabitkan dengan kesalahan yang berkenaan dengannya Perintah Kehadiran Wajib yang asal telah dibuat, elaan yang sewajarnya dibuat untuk bilangan hari pada mana dia telah menyempurnakan tugas hariannya, atau boleh menegur pesalah tanpa menjatuhkan apa-apa hukuman atau membuat apa-apa Perintah lanjutan.

(3) Dalam seksyen ini “Mahkamah” ertinya Mahkamah yang melaluinya Perintah Kehadiran Wajib yang asal telah dibuat.

Kaedah-Kaedah

9. (1) Menteri boleh membuat Kaedah-Kaedah, yang tidak tak konsisten dengan Akta untuk pengurusan baik dan pentadbiran Pusat Kehadiran Wajib dan untuk pelaksanaan Akta ini.

(2) Khususnya, dan tanpa menjejaskan keluasan makna terdahulu, Kaedah-Kaedah itu boleh menetapkan bagi semua atau mana-mana maksud atau perkara yang berikut:

- (a) penempatan pegawai Pusat Kehadiran Wajib dengan Pegawai Penjara atau pengajar dan pengawasan, layanan dan latihan pesalah;

- (b) pemeriksaan perubatan, ukuran, pengambilan gambar dan pengambilan statistik, cap jari atau rekod lain pesalah, termasuk sejarah peribadi secara terperinci, dan untuk menghendaki jawapan yang penuh dan benar kepada semua soalan yang dikemukakan kepada seseorang tersebut dengan tujuan untuk mendapatkan statistik dan sejarah tersebut;
- (c) jenis kerja wajib yang akan diaku janji oleh pesalah;
- (d) remitan tempoh Perintah Kehadiran Wajib yang dibenarkan kepada pesalah yang mematuhi dengan sewajarnya Kaedah-Kaedah yang mengenainya remitan itu akan dibuat;
- (e) pelupusan barang keluaran kerja wajib pesalah;
- (f) amaun remitan yang telah diperolehi yang patut dilucut hak kerana melanggar Akta ini atau Kaedah-Kaedah yang dibuat di bawahnya;
- (g) apa-apa perkara lain yang di bawah Akta ini adalah dikehendaki atau dibenarkan untuk ditetapkan.

(3) Segala Kaedah yang dibuat di bawah Akta ini hendaklah dibentangkan dengan seberapa segera yang sesuai mungkin di hadapan Dewan Rakyat, dan jika suatu ketetapan Dewan Rakyat diluluskan dalam tempoh tiga bulan selepas apa-apa Kaedah dibentangkan di hadapannya bahawa Kaedah itu hendak dibatalkan, maka Kaedah itu hendaklah mulai dari itu menjadi tidak sah, tetapi tanpa menjejaskan keesahan apa-apa yang dibuat sebelum itu di bawahnya, atau kepada pembuatan Kaedah yang baru.

UNDANG-UNDANG MALAYSIA

Akta 461

AKTA KEHADIRAN WAJIB PESALAH-PESALAH 1954

SENARAI PINDAAN

| Undang-undang yang meminda | Tajuk ringkas | Berkuat kuasa dari |
|-------------------------------|--|--------------------|
| L.N.211/1956 | Perintah Menteri Dalam Negeri (Pindaan Fungsi) 1956 | 05-07-1956 |
| L.N.332/1958 | Perintah Perlembagaan Persekutuan (Pengubahsuaian Undang-Undang) (Ordinan dan Pengisytiharan) 1958 | 13-11-1958 |
| P.U.(B) 324/1970 | Ordinan Nama Jawatan, 1949 – Pemberitahuan Di bawah Seksyen 3 | 01-01-1971 |
| P.U.(A) 291/2012 | Perintah Wilayah Persekutuan Labuan (Pemerluasan Dan Ubahsuaian Akta Kehadiran Wajib Pesalah-Pesalah 1954) 2012 | 16-09-2012 |
| P.U.(A) 292/2012 | Perintah Negeri Sabah (Pemerluasan Dan Ubahsuaian Akta Kehadiran Wajib Pesalah-Pesalah 1954) 2012 | 16-09-2012 |
| P.U.(A) 293/2012 | Perintah Negeri Sarawak (Pemerluasan Dan Ubahsuaian Akta Kehadiran Wajib Pesalah-Pesalah 1954) 2012 | 16-09-2012 |

UNDANG-UNDANG MALAYSIA**Akta 461****AKTA KEHADIRAN WAJIB
PESALAH-PESALAH 1954****SENARAI SEKSYEN YANG DIPINDA**

| Seksyen | Kuasa meminda | Berkuat kuasa dari |
|---------|------------------------------|--------------------------|
| 2 | L.N.211/1956 L.N.332/1958 | 05-07-1956 13-11-1958 |
| 3 | L.N.211/1956 L.N.332/1958 | 05-07-1956 13-11-1958 |
| 9 | L.N.211/1956 L.N.332/1958 | 05-07-1956 13-11-1958 |
| 15 | P.U.(B) 324/1970 | 01-01-1971 |



UNDANG-UNDANG MALAYSIA

Akta A1660

**AKTA KEHADIRAN WAJIB PESALAH-PESALAH
(PINDAAN) 2022**



2022
2022
P.U. (B)

WARTA KERAJAAN PERSEKUTUAN

*FEDERAL GOVERNMENT
GAZETTE*

PENETAPAN TARIKH PERMULAAN KUAT KUASA

APPOINTMENT OF DATE OF COMING INTO OPERATION

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KEHADIRAN WAJIB PESALAH-PESALAH (PINDAAN) 2022
PENETAPAN TARIKH PERMULAAN KUAT KUASA

PADA menjalankan kuasa yang diberikan oleh subseksyen 1(2) Akta Kehadiran Wajib Pesalah-Pesalah (Pindaan) 2022 [Akta A1660], Menteri menetapkan 30 September 2022 sebagai tarikh Akta itu mula berkuat kuasa.

Bertarikh **21 SEP** 2022
[KDN.PUU.R.600-1/1/6; PN(U2)]



DATO' SERI HAMZAH BIN ZAINUDIN
Menteri Dalam Negeri

OFFENDERS COMPULSORY ATTENDANCE (AMENDMENT) ACT 2022
APPOINTMENT OF DATE OF COMING INTO OPERATION

IN exercise of the powers conferred by subsection 1(2) of the Offenders Compulsory Attendance (Amendment) Act 2022 [Act A1660], the Minister appoints 30 September 2022 as the date on which the Act comes into operation.

Dated **21 SEP** 2022
[KDN.PUU.R.600-1/1/6; PN(U2)]



DATO' SERI HAMZAH BIN ZAINUDIN
Minister of Home Affairs

| | | |
|------------------------------|--------|-------------------|
| Tarikh Perkenan Diraja | | 31 Ogos 2022 |
| Tarikh Penyiaran dalam warta | | 5 September 2022 |
| Tarikh Berkuatkuasa | | 30 September 2022 |

UNDANG-UNDANG MALAYSIA

Akta A1660

AKTA KEHADIRAN WAJIB PESALAH-PESALAH (PINDAAN) 2022

Suatu Akta untuk meminda Akta Kehadiran Wajib Pesalah-Pesalah 1954.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Kehadiran Wajib Pesalah-Pesalah (Pindaan) 2022.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

Pindaan seksyen 2

2. Akta Kehadiran Wajib Pesalah-Pesalah 1954 [*Akta 461*], yang disebut “Akta ibu” dalam Akta ini, dipinda dalam seksyen 2—

(a) dengan memasukkan selepas takrif “Centre” takrif yang berikut:

‘ “Commissioner General” means the Commissioner General of Prison appointed under subsection 10(1) of the Prison Act 1995 [*Act 537*];’; dan

(b) dengan memotong takrif “Director General”.

Pindaan seksyen 3

3. Akta ibu dipinda dalam seksyen 3 dengan menggantikan perkataan “Director General” dengan perkataan “Commissioner General”.

Penggantian seksyen 4

4. Akta ibu dipinda dengan menggantikan seksyen 4 dengan seksyen yang berikut:

“Appointment of officer to be in charge of Centre

4. (1) The Commissioner General shall appoint an Officer in Charge to be in charge of each Centre and such officer shall be known as the Compulsory Attendance Centre Officer.

(2) For the purposes of this section, “Officer in Charge” shall have the same meaning as assigned to it in the Prison Act 1995.”.

Seksyen baharu 4A

5. Akta ibu dipinda dengan memasukkan selepas seksyen 4 seksyen yang berikut:

“Power of Commissioner General to issue standing order or give directions

4A. The Commissioner General may, from time to time, issue any standing order or give directions to the Compulsory Attendance Centre Officer not inconsistent with the provisions of the Act or any subsidiary legislation made under the Act and the Compulsory Attendance Centre Officer shall give effect to such standing order or directions.”.

Pindaan seksyen 5

6. Seksyen 5 Akta ibu dipinda—

(a) dengan menggantikan subseksyen (1) dengan subseksyen yang berikut:

“(1) Where a person who resides within the prescribed distance from a Centre—

(a) has been convicted of an offence for which he is liable to be sentenced to imprisonment for a period not exceeding three years; or

(b) is liable to be committed to prison for failure to pay a fine or debt,

the Court may, instead of such sentence or committal, make a Compulsory Attendance Order requiring such person to attend daily at a Centre to be specified in such Order and to undertake compulsory work for a period not exceeding twelve months and for such number of hours each day not exceeding four as may be specified in such Order, and may, for further ensuring due compliance with such Order, require the offender to enter into a bond with or without sureties.”; dan

(b) dengan memasukkan selepas subseksyen (1) subseksyen yang berikut:

“(1A) The Court, when making the Compulsory Attendance Order under subsection (1), shall consider the character of such person, the nature and seriousness of the offence or the circumstances of such person’s failure to pay, as the case may be, and all the other circumstances of the case.”.

Seksyen baharu 5A

7. Akta ini dipinda dengan memasukkan selepas seksyen 5 seksyen yang berikut:

“Transfer of offender

5A. The Commissioner General may, in writing, give directions to transfer any offender who is required under the Compulsory Attendance Order to attend daily at a Centre as specified in the Order to another Centre, upon an application made by the offender or if the Commissioner General thinks fit to do so.”.

Seksyen baharu 6A

8. Akta ini dipinda dengan memasukkan selepas seksyen 6 seksyen yang berikut:

“Period of imprisonment or detention be deemed to be period of compulsory work

6A. (1) Where an offender—

- (a) who is undertaking a compulsory work by virtue of a Compulsory Attendance Order; or
- (b) who has been required to undertake a compulsory work by virtue of a Compulsory Attendance Order but has not yet undertaken such compulsory work,

is sentenced by any court to any term of imprisonment, or is detained under any law relating to preventive detention, such imprisonment or detention shall take precedence over the Compulsory Attendance Order.

(2) Subject to subsection (3), the period of imprisonment or detention served by the offender shall be deemed to be the period of a compulsory work by virtue of a Compulsory Attendance Order.

(3) The offender shall be required to undertake the compulsory work for the remaining period after deducting the period of imprisonment or detention served by the offender from the period as specified in the Compulsory Attendance Order.”.

Pindaan seksyen 8

9. Akta ibu dipinda dalam subseksyen 8(1) dengan menggantikan perkataan “Director General” dengan perkataan “Commissioner General”.

Kecualian

10. Apa-apa tindakan atau prosiding yang dimulakan atau yang belum selesai sebaik sebelum permulaan kuat kuasa Akta ini hendaklah, selepas tarikh permulaan kuat kuasa Akta ini, diteruskan seolah-olah Akta ibu tidak dipinda oleh Akta ini.

UNDANG-UNDANG MALAYSIA**AKTA A1660****AKTA KEHADIRAN WAJIB PESALAH-PESALAH (PINDAAN) 2022**

Suatu Akta untuk meminda Akta Kehadiran Wajib Pesalah-Pesalah 1954.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Kehadiran Wajib Pesalah-Pesalah (Pindaan) 2022.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

Pindaan seksyen 2

2. Akta Kehadiran Wajib Pesalah-Pesalah 1954 [*Akta 461*], yang disebut “Akta ibu” dalam Akta ini, dipinda dalam seksyen 2—

(a) dengan memasukkan selepas takrif “Pusat” takrif yang berikut:

‘ “Komisioner Jeneral” ertinya Komisioner Jeneral Penjara yang dilantik di bawah subseksyen 10(1) Akta Penjara 1995 [Act 537];; dan

(b) dengan memotong takrif “Ketua Pengarah”.

Pindaan seksyen 3

3. Akta ibu dipinda dalam seksyen 3 dengan menggantikan perkataan “Ketua Pengarah” dengan perkataan “Komisioner Jeneral”.

Penggantian seksyen 4

4. Akta ibu dipinda dengan menggantikan seksyen 4 dengan seksyen yang berikut:

“Pelantikan pegawai untuk bertugas di Pusat

4. (1) *Komisioner Jeneral hendaklah melantik Pegawai Bertugas yang akan bertanggungjawab bagi setiap Pusat dan pegawai tersebut akan dikenali sebagai Pegawai Pusat Kehadiran Wajib.*

(2) *Untuk tujuan seksyen ini, "Pegawai yang Bertugas" hendaklah mempunyai maksud yang sama seperti yang diberikan kepadanya dalam Akta Penjara 1995."*

Seksyen baharu 4A

5. Akta ibu dipinda dengan memasukkan selepas seksyen 4 seksyen yang berikut:

“Kuasa Komisioner Jeneral untuk Mengeluarkan Perintah Tetap atau Memberi Arahan

4A. *Komisioner Jeneral boleh, dari semasa ke semasa, mengeluarkan apa-apa perintah tetap atau memberi arahan kepada Pegawai Pusat Kehadiran Wajib yang tidak berlawanan dengan mana-mana peruntukan di bawah Akta ini atau mana-mana perundangan subsidiari yang dibuat di bawah Akta ini, dan Pegawai Pusat Kehadiran Wajib hendaklah melaksanakan perintah tetap dan arahan itu."*

Pindaan seksyen 5

6. Seksyen 5 Akta dipinda—

(a) dengan menggantikan subseksyen (1) dengan subseksyen yang berikut:

"(1) Jika seseorang yang tinggal dalam jarak yang ditentukan dari Pusat—

(a) telah disabitkan atas kesalahan yang boleh dihukum penjara selama tempoh tidak melebihi tiga tahun; atau

(b) boleh dikenakan hukuman penjara kerana gagal membayar denda atau hutang,

Mahkamah boleh, selain hukuman atau komital/ pemenjaraan, memerintahkan Perintah Kehadiran Wajib yang menghendaki seseorang itu hadir pada setiap hari di Pusat yang dinyatakan dalam Perintah tersebut dan menjalankan kerja wajib untuk tempoh tidak melebihi dua belas bulan dan untuk bilangan jam tertentu setiap hari tidak melebihi

empat jam seperti yang dinyatakan di dalam Perintah, dan boleh, untuk menjamin pematuhan yang sewajarnya dengan Perintah tersebut, menghendaki pesalah memasuki bon dengan atau tanpa penjamin-penjamin.";

(b) dengan memasukkan selepas subseksyen (1) subseksyen yang berikut:

"(1A) Mahkamah, ketika membuat Perintah Kehadiran Wajib di bawah subseksyen (1), hendaklah mempertimbangkan watak seseorang itu, sifat dan keseriusan kesalahan atau hal keadaan dalam mana seseorang itu gagal membayar, mengikut mana yang berkenaan, dan semua hal keadaan lain kes tersebut."

Seksyen baharu 5A

7. Akta ibu dipinda dengan memasukkan selepas seksyen 5 seksyen yang berikut:

"Pemindahan pesalah

5A. Komisioner Jeneral boleh, secara bertulis, memberi arahan untuk memindahkan mana-mana pesalah di bawah Perintah Kehadiran Wajib untuk hadir setiap hari di (sesuatu) Pusat ke Pusat (yang) lain, atas permohonan yang dibuat oleh pesalah atau jika Komisioner Jeneral berpendapat bahawa ada keperluan."

Seksyen baharu 6A

8. Akta ibu dipinda dengan memasukkan selepas seksyen 6 seksyen yang berikut:

"Tempoh Pemenjaraan dan Penahanan Disifatkan sebagai Tempoh Kerja Wajib

6A. (1) Jika seseorang pesalah yang—

(a) sedang menjalani suatu kerja wajib menurut suatu Perintah Kehadiran Wajib; atau

(b) telah diperintahkan menurut suatu Perintah Kehadiran wajib tetapi belum menjalani suatu kerja wajib

dihukum oleh mana-mana mahkamah dengan suatu tempoh pemenjaraan atau dengan suatu tempoh penahanan di bawah mana-mana undang-undang berhubung

dengan tahanan pencegahan, maka pemenjaraan dan penahanan itu hendaklah diberi keutamaan daripada Perintah Kehadiran Wajib.

(2) Tertakluk kepada subseksyen (3), tempoh pemenjaraan dan penahanan yang dijalani pesalah hendaklah disifatkan sebagai tempoh bagi kerja wajib menurut Perintah Kehadiran Wajib.

(3) Pesalah hendaklah menjalani mana-mana tempoh kerja wajib yang berbaki selepas menolak tempoh pemenjaraan atau penahanan yang telah dijalani oleh Pesalah itu dari tempoh yang dinyatakan dalam Perintah Kehadiran Wajib.”

Pindaan seksyen 8

9. Akta ibu dipinda dalam subseksyen 8(1) dengan menggantikan perkataan “Ketua Pengarah” dengan perkataan “Komisioner Jeneral”.

Kecualian

10. Apa-apa tindakan atau prosiding yang dimulakan atau yang belum selesai sebaik sebelum permulaan kuat kuasa Akta ini hendaklah, selepas tarikh permulaan kuat kuasa Akta ini, diteruskan seolah-olah Akta ibu tidak dipinda oleh Akta ini.